

ব্যর্থ সভ্যতার ক্লেশার্জিত শ্রম

-সাহোশি

আমাদের জীবন বড়ই নিরন্ন

আমরা কখনো হেমলকের পেয়ালা হাতে বলতে পারি নি - জীবন সুন্দর

বিদ্রোহীর মতো জ্বলে উঠে থামিয়ে দিতে পারি নি -

অর্থহীন সভ্যতার সিসিফাসের ন্যায় মূল্যহীন শ্রম

গড়ে তুলতে পারি নি গ্রীক পুরাণের ইথাকা, কিংবা

পিথাগোরাসের জ্যামিতিতে ধরতে পারি নি বিন্দুর অবস্থান।

আমরা কখনো প্রেমে পড়ে নি - কি আশ্চর্য

কোন নারীর গ্রীবায় মুখ রেখে কেউ কোনদিন কেঁদে উঠি নি

নতজানু হয়ে কখনো বলি নি - তুমিহীনা এ পৃথিবী মৃত্যুরই নামান্তর

কারো চোখে চোখ রেখে প্রতিজ্ঞা করি নি কিউপিডের লক্ষ্য হবার

কোন বসন্তে উপহার দিতে পারি নি সাতটি অমরাবতী

আমাদের কাছে আফ্রোদিতি, ভেনাস, হেরা সবাই সমান,

আমরা প্যারিস নই, হৃদয়হীন পৃথিবীর ক্লেশার্জিত সন্তান।

আমরা কখনো হিমালয়ের চুঁড়ায় বরফ দেখি নি

প্রশান্ত মহাসাগরে পা ডুবিয়ে অষ্ট্রিয়ার প্রাসাদের রাজকন্যার কথা ভাবি নি
বিকেলের সূর্যের রঙের ছটা গায়ে মেখে অলস ভাবে
বেঞ্জামিন মলোয়েসির কবিতা পড়ি নি -
ধূসর, মলিন, পাংশু এ পৃথিবীতে আমরা বড়ই কাব্যহীন।